

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), Vlada Zeničko-dobojskog kantona, na prijedlog Ministarstva zdravstva, na 70. sjednici, održanoj dana 12.07.2012. godine, d o n o s i

ZAKLJUČAK

I.

Utvrđuje se Prijedlog Zakona o prestanku važenja Zakona o Javnoj ustanovi Kantonalni zavod za javno zdravstvo.

II.

Prijedlog Zakona iz tačke I. ovog zaključka upućuje se u dalju skupštinsku proceduru po skraćenom postupku.

III.

Zaključak stupa na snagu danom donošenja.

Broj: 02-_____/12.
Datum, 12.07.2012. godine
Zenica

PREMIJER

mr.sci. Fikret Plevljak, dipl.ing.

DOSTAVLJENO:

1x Skupština Zeničko-dobojskog kantona,
1x Ministarstvo zdravstva,
1x a/a.

PRIJEDLOG

Na osnovu člana 37. stav 1. tačka f. Ustava Zeničko-dobojskog kantona i člana 234. stav 1. Zakona o zdravstvenoj zaštiti („Službene novine F.BiH“, broj 46/10), Skupština Zeničko-dobojskog kantona, na ____ sjednici održanoj _____2012. godine, donijela je

Z A K O N
o prestanku važenja Zakona o Javnoj ustanovi
Kantonalni zavod za javno zdravstvo

Član 1.
(Predmet)

Prestaje da važi Zakon o Javnoj ustanovi Kantonalni zavod za javno zdravstvo („Službene novine Zeničko-dobojskog kantona“, broj: 11/97 i 2/98).

Član 2.
(Stupanje na snagu)

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: _____/12.
Datum, _____2012.godine.
Zenica,

PREDSJEDAVAJUĆI

O b r a z l o Ź e n j e

I. PRAVNI OSNOV

Pravni osnov za donošenje Zakona o prestanku važenja Zakona o Javnoj ustanovi Kantonalni zavod za javno zdravstvo, sadržan je u članu 37. stav 1. tačka f. Ustava Zeničko-dobojskog kantona, kojim je utvrđena podjeljena nadležnost između Federacije Bosne i Hercegovine i kantona u oblasti zdravstva.

II. RAZLOZI ZA DONOŠENJE

Zakonom o zdravstvenoj zaštiti („Službene novine F.BiH“, broj: 46/10), u članu 234. stav 1. utvrđena je obaveza je Skupštine Zeničko-dobojskog kantona, osnivača Kantonalnog zavoda za javno zdravstvo, da u roku od 24 mjeseca od dana stupanja Zakona na snagu preuzme osnivačka prava nad zdravstvenim ustanovama čiji su osnivači.

Budući da ovaj rok ističe 10.08.2012.godine, sačinjen je tekst Odluke o preuzimanju osnivačkih prava nad Zavodom za javno zdravstvo, čime su se stekli uslovi za prestanak važenja Zakona kojim je ova zdravstvena ustanova osnovana.

III. POSTUPAK DONOŠENJA

Zakonom o Javnoj ustanovi Kantonalni zavod za javno zdravstvo, koji predstavlja osnivački akt, Skupština Zeničko-dobojskog kantona osnovala je ovu zdravstvenu ustanovu. Zbog usklađivanja akta o osnivanju sa odredbama člana 234. Zakona o zdravstvenoj zaštiti, obaveza je kantona da preuzme osnivačka prava nad zdravstvenim ustanovama čiji je osnivač. Ova obaveza izvršit će se donošenjem Odluke o preuzimanju osnivačkih prava nad Javnom ustanovom Kantonalni zavod za javno zdravstvo, zbog čega će prestati važenje dosadašnjeg Zakona o osnivanju ove zdravstvene ustanove.

Budući da se ne radi o složenom i obimnom Zakonu, te obavezi da se postupak preuzimanja osnivačkih prava okonča najkasnije do 10.08.2012.godine, neophodno je ovaj Zakon donijeti po skraćenom postupku.

IV. OBRAZLOŽENJE PREDLOŽENIH PRAVNIH RJEŠENJA

U članu 1. ovog Zakona propisano je da prestaje da važi Zakon o Javnoj ustanovi Kantonalni zavod za javno zdravstvo, koji je usvojila Skupština Zeničko-dobojskog kantona („Službene novine Zeničko-dobojskog kantona“, broj: 11/97 i 2/98).

Članom 2. utvrđen je datum stupanja Zakona na snagu.

V. FINANSIJSKA SREDSTVA

Za sprovođenje ovog Zakona nisu potrebna dodatna finansijska sredstva.